

Dazfwngz Buekguh Seiqcib Bi Lozcwngz Sam Soem Raiz Bienmoq

—— Lozcwngz Mulaujcu Swciyen Guh Yienghsaeh Angqhoh Laebbaenz 40 Hopbi

11 nyied 20 hauh, Lozcwngz Muzlaujcu Swciyen youq yienh diyyuz cungsim hai hoih angqhoh laebbaenz 40 hopbi, gyoengq lingjdauj hekgyiq Daengx Guek Yinzda Minzveij, Guekgya Minzveij duenzcukhoh, Swcigih duenzcukhoh, Hozciz Si duenzcukhoh caeuq ganbu ginzcung dangdieg doxcomz, caemh hoh swciyen laebbaenz 40 hopbi.

Hoih angqhoh gvaqlaeng, haiduj yienjheiq ndeiawj, doenggvaq go foux, caijdiuh, cingzgingj yaemveh daengj yisuz hingzsik baijok gij daegdiemj Lozcwngz “gyaeujbya

soem, gyaeujdauh soem, gyaeujbit soem” caeuq gij minzczu vwnzva lai saek lai yiengh, yienh’ok gij yiengh-siengq cingsaenz ginzcung dangdieg doxgiet buekguh, gaenxmaenx doxhwnj.

Baez hozdung neix neiyungz fungfouq, hingzsik lai yiengh, cwgoemq gvangq. Gij langhbaij cwngzgoj swciyen laebbaenz 40 hopbi dau-ngeix Lozcwngz gak cuz yinzminz caezcaemh doxgiet baenaj, caezcaemh mwnhoengh hwnghat, giendingh le gij gietsim caeuq saenqsim daihgya gamj Dangj aen, dingq Dangj vah, gaen

Dangj byaij. Baihlaeng, lij miz hoih ginghci sevei hwnghat, minzczu diyyuz yindung yienjheiq, feihyiz yienjok, baijgai doxgaiq reihnaz daengj hozdung dem, hawj gij ginzcung dangdieg caeuq gyoengq vwnzseng’eiq youq ndaw heiqlaen naekna minzczu doxgiet ranz vwnz ndeu roxnyinh gij gyaeundei Lozcwngz, gamjsouh Lozcwngz bienq yiengh hung.

40 bi daeuj, daegbied dwg Cibbet Daih Dangj doxdaeuj, Lozcwngz genhciz aeu aen swhsienj sevei cuji miz daegsaek Cungguek seizdaih moq Siz Ginbingz guh cijdauj, nyinhcaen

gyancez lozsiz gij iugouz youqgaenj Siz Ginbingz cungsuhgi gvendaengz lwnghangj hong Gvangjsih, aeu couqmaenh gij eiqsik caezcaemh Cunghvaz Minzczu guh diuz sienqmeh gak hangh hong daengx yienh, ronzgvaq daengx aen gocwngz hwnqguh ginghci, hwnqguh cwngci, hwnqguh vwnzva, hwnqguh sevei, hwnqguh swnghdai vwnzmingz caeuq hwnqguh aen Dangj, ginghci sevei gak hangh saehnieb aeu ndaej cingzcik doengh— baez caengz miz gvaq.

(Veiz Yingjinh Vangz Yinz Vangz Yijsinh)



Yungzsuij:

Fanh Vunz Angq Gvaq Ciet Aenvenz Max Doxdik

11 nyied 23 hauh, Yungzsuij Myauzczu Swciyen 2024 “doeng youz Yungzsuij” gaiq ngeihcib ngeih Cungguek • Yungzsuij Myauzczu ciet aenvenz max doxdik youq diyyuz gunhyenz haiguh. Myauz, Yauz, Dung daengj gak minzczu ginzcung ndang daenj buhvaq gyaeuget moqsag, angqfwngfwng doxcomz giz ndeu, camgya boq aenvenz, max doxdik, caijdinvenz daengj hozdung, ciuyinx baenz fanh hekyouz daeuj yawj. Gaenh geij bi daeuj, dangdieg yungh vunqsik “gvaq ciet + vwnzva + lijyouz”, hwnghat gij canjnieb vwnzva lijyouz miz minzczu daegsaek haenx, coenghrenez ndawbiengz ginghci vwnzva mboujduenh hwnghat.

(Lungz Linzci/龙林智)

◀Yienhciegz vunz lai vunz daih nauhyied dangqmaz.

Denzyangz:

Sam Gaep Lienzdoengh Bauj Cangqheiq

11 nyied 22 hauh, Bwzswz Si Yinzminz Yihyen, Denzyangz Gih Yinzminz Yihyen, Denzyangz Denzcouh Cin Veiswnghyen “si, yienh, yangh” sam gaep yihyen caemh youq Denzyangz Gih guh

soengq cangqheiq hozdung, vih ginzcung daezhawj genjcaz, camcaz, yawjbingh daengj fugsah fuengbienh beksingq mbouj sou ngaenz.

(Vangz Gozsun/黄国顺)



▲ Canghyw hoiz gincung camcaz.



▲Bouxhek youq ndaw canjlanj yawj doxgaiq faex doq.

2024 Nienz Doxgaiq Ndoengfaex Seiqgyaiq Caeuq Gij Langhbaij Doxgaiq Faex Doq Youq Nanzningz Guh

11 nyied 23 hauh daengz 25 hauh, 2024 nienz doxgaiq ndoengfaex seiqgyaiq caeuq gij langhbaij doxgaiq faex doq youq Nanzningz Gozci Veicanj Cungsim guh, baez canjlanj neix miz Dwzgoz, Gyah—

nazda, Ngozlozswh daengj ngeihcib lai aen guekgya camgya, gak loih giyez daeuj langhbaij haenx mauh— gvaq cien aen, baijok gak cungj doxgaiq ndoengqfaex song fanh lai ghenh.

(Yu Sienghceenz/喻湘泉)